



**Sarajevo, 8. 2. 2024. godine**

**PREDMET: Saopćenje Udruženja sudija Suda Bosne i Hercegovine i Udruženja sudija/sudaca u Federaciji BiH na recentne javne istupe, dostavlja se,-**

Poštovani,

U svjetlu recentnih događaja i dešavanja, Udruženje sudija Suda Bosne i Hercegovine i Udruženje sudija/sudaca u Federaciji BiH poziva na dostojanstvenost u javnom komuniciranju.

Rad sudova u Bosni i Hercegovini je već duže od decenije u interesu javnosti, što je jasno vidljivo iz frekventnih medijskih izvještavanja i istupa različitih komentatora i nastupa nosilaca izvršne i zakonodavne vlasti. Naročito je prisutna pažnja spram sudskih postupaka u kojima su osumnjičeni ili optuženi javni funkcioneri i političari.

Udruženja su prije nekoliko godina ukazivala na negativne tendencije u javnom komuniciranju, koje nažalost nisu prekinute, već se primjećuje i stvaranje novih devijantnih trendova, koji sve više udaljavaju društvo i državu od dosezanja standarda u javnom diskursu, kakvi vladaju u Evropi, odnosno zemljama Evropske unije.

O sudovima, sudijama i sudskim postupcima u javnom prostoru standardizovan je način komuniciranja, koji se zasniva na jednostavnim principima: izražavanje riječima kojima se prije svega poštuje Sud i odsustvo svake riječi kojom se urušava dignitet Suda i sudija.

Naročito, personalni sastav suda ne bi trebao biti predmetom javnog komuniciranja, izuzev u zakonom predviđenim slučajevima. Ličnost sudije se mora poštovati jednako kako se treba poštovati i sam Sud u kojem radi. Na koncu, o sudskim postupcima i presudama, važno je komunicirati pridržavajući se pravila struke, a ne koristiti dijelove presuda za stvaranje pogodujućeg javnog mnijenja. Presude se osporavaju u zakonitim postupcima pred nadležnim institucijama, a ne pred općom javnosti. Navedeni principi važe za sve građane i strance pod suverenitetom jedne zemlje, a naročito se odnose na političare, koji imaju značajan javni utjecaj na formiranje javnog mnijenja. Konkretno, političari bi se trebali uzdržavati javnog istupa kojim osporavaju ili štete na bilo koji način položaju i ugledu Suda, sudija i valjanosti sudskih postupaka.

Udruženje sudija Suda BiH  
Udruga sudaca Suda BiH  
Удружење судија Суда БиХ  
Association of Judges of the Cort of BiH



*Bosna i Hercegovina*  
*Federacija Bosne i Hercegovine*  
*Udruženje sudija/sudaca u*  
*Federaciji Bosne i Hercegovine*

Sarajevo, Valtera Perića 15  
Tel/fax 033-668-035  
e-mail [usfbih@bih.net.ba](mailto:usfbih@bih.net.ba)  
[us.fbih@pravosudje.ba](mailto:us.fbih@pravosudje.ba)  
[www.usfbih.ba](http://www.usfbih.ba)



---

Udruženje sudija Suda Bosne i Hercegovine i Udruženje sudija/sudaca u Federaciji BiH snažno stoji uz profesionalne nosioce pravosudnih funkcija, poziva na dostojanstvenost u javnom komuniciranju, te očekuje adekvatan institucionalni tretman nedoličnog ponašanja i retorike, naročito u odnosu na osobe iz političkog života Bosne i Hercegovine.

S poštovanjem,

**Sarajevo, 8. 2. 2024. godine**

Broj akta: 01/2024

**Udruženja sudija Suda BiH**

Broj akta: 12/24

**Udruženje sudija/sudaca u Federaciji BiH**

---

Udruženje sudija Suda BiH  
Sjedište: Kraljice Jelene broj 88  
Sarajevo, Bosna i Hercegovina  
Kontakt telefon: + 387 33 707 352  
Email: [srdjan.markovic@sudbih.gov.ba](mailto:srdjan.markovic@sudbih.gov.ba)

Banka: UniCredit Bank  
Broj računa: BAM: 3387302222530443  
USD: IBAN BA393387304822532702  
EUR: IBAN BA393387304822531829  
ID Broj: 4202381430002